

Umiarsuarmi maskinistissatut ilinniartitaaneq pillugu Namminersornerullutik Oqartussat nalunaarutaat

Inuussutissarsiutigut ilinniartitaaneq, ilinniagaqarnermut tapiissutit inuussutissarsiutinullu tunngasunik siunnersuineq pillugit Inatsisartut peqqussutaanni nr. 1-imi 4. maj 1990-imeersumi § 1 naapertorlugu aalajangersarneqarput:

Kapitali 1.

Nassuiaat.

§ 1. "Umiartornermik inuutissarsiuteqarnermut inatsit" nalunaarummi uani pineqartoq tassaavoq umiartornermik inuutissarsiuteqarnermut inatsit Folketingimit aalajangersarneqartoq sukkulluunniit atortuusoq, tak. inatsimmik nalunaarut kingulleq nr. 372, 31. maj 1990-imeersoq.

Imm. 2. "Maskinmesterissanikilinniartitsineq pillugu inatsit" nalunaarummi uani pineqartoq tassaavoq tamatuminnga inatsit Folketingimit aalajangersarneqartoq sukkulluunniit atortuusoq, tak. inatsit kingulleq nr. 350, 1. juli 1988-imeersoq.

Imm. 3. "Søfartsstyrelsen" (umiartornermut siulersuisoqarfik) nalunaarummi uani pineqartoq tassaavoq inatsisit imm. 1-imi 2-milu taaneqartut naapertorlugit maskinmesterissanik ilinniartitsineq pillugu erseqqinnerusunik maleruagassaliortartussanngortitaasoq.

Imm. 4. "Pisortaqarfik" nalunaarummi uani pineqartoq tassaavoq Namminersornerullutik Oqartussani Kultureqarnermi, Ilinniartitaanermi Suliffeqarnermilu Pisortaqarfik.

Kapitali 2.

Siunertaa sivilissusialu.

§ 2. Umiarsuarnimaskinistissanikilinniartitsinerup ilinniartut piginnaanngorsassavai umiarsuarni niuffagiutini aalisariutinilu kiisalu nunami teknikkikkut atortorissaarutinik atortulersuutinillu allanik ingerlatsisinnaalerlutillu aserfallatsaaliuisinnaalernissaannut.

Imm. 2. Ilinniartitsinerup ilinniartut ilisimasaqalersissavai atortorisanik elektricitetimit, maskiinanut, nukissiuutinut allanngoriartortarnernullu tunngasunut, taamaalilluni atortorisat tamakkua ingerlatsinermi aningaasanik atorluanaanissaq, ingerlatsinermi isumannaatsuunissaq, sulinermi isumannaatsuunissaq qalikkullu avatangiisit eqqarsaatigalugit annertunerpaamik iluaqutigineqarsinnaanissaat qulakkeerneqarsinnaaqullugu.

§ 3. Ilinniartitsineqatuagarsorluni ilisimaqqaagassanik pisariaqartunik tunngavissaqalersitsissaaq umiartornermik inuutissarsiuteqarnermut inatsit malillugu maskiinalerisutut annertut umiartornermik inuutissarsiuteqarnermut uppersaammik pissarsinissamut. Ilinniartitsineq taamaalilluni

pisariaqartumik tunngavissaqalersitsissaaq maskinmesterinngorniarluni ilinniaqqinnissamut, tak. § 1, imm. 2.

§ 4. Ilinniartitaaneq sivilissuseqarpoq ukiup aappaa avillugu atuarfimmiiinnermik aamma Søfartsstyrelsen aalajangiigaanik sivilissusilimmik umiarsuarni avataasiutiniissimanermik imaluunniit nunami sulisinneqarsimanermik.

Kapitali 3.

Tiguneqarnissamut patsisissaatitat.

§ 5. Ilinniartitaanermut tiguneqarsinnaapput inuit

- 1) saviminilerinerup iluani suliamik sungiusarsimasutut uppersaammik pigisaqartut,
- 2) umiarsuarni maskinistinnorniarluni ilinnialernissamut piareersarluni qaammatini arfinilinni kursuseqarnermi angusisimasut, tak.
- 3) maskiinat atortuinik iluarsaanermut qaammatini 12-ini atuarfimmi angusisimasut aamma
- 4) STI-mi ilinniartutut imaluunniit suliamik sungiusarsimasutut qaammatini 6-ini akuerisamik praktikkersimasut.

Imm. 2. Imm. 1, nr. 4 malillugu praktikkerneq ingerlanneqarsinnaavoq umiarsuarni maskinistinnorniarluni ilinniarnep atuarfittaaniissimanerup kingornagut. Tamanna brancheudvalgip (ilinniartitaanermi ataatsimiititaliap) akuereqqaassavaa.

§ 6. Ilinniartitaanermut tiguneqarsinnaapput inuit

- 1) saviminilerinerup iluani fagimi, Søfartsstyrelsen siunertamut akuerineqartumi, inerluni ilinniarsimasutut uppersaammik pigisaqartut, aamma
- 2) umiarsuarni maskinistinnorniarluni ilinnialernissamut piareersarluni qaammatini arf inilinni kursuseqarnermi angusisimasut.

§ 7. Inukmatematikkimik/kisitsinermik, fysikkimik/kemiimik, dankit oqaasiinik aamma tuluit oqaasiinik meeqqat atuarfiata annertusisamik inaarutaasumik misiliinerini siusinnerusukkat misilitsissimappat faginilu taakkunani tamani karakterimik minnerpaamik 6-imik angusisimappat tiguneqarnissamut § 5, imm. 1, nr. 2-mi aamma § 6, nr. 2-mi piumasarisat tunngavigneqanngissinnaapput.

§ 8. Tiguneqarsinnaapputaaq inuit allamik ilinniagaqarsimasut, ilinniarsimanerat minnerpaamik uani piumasarisaasutut sivilissutisimappat aamma ilinniarfiup imaluunniit Søfartsstyrelsen isumaat malillugu umiarsuarni maskinistinnorniat ilinniartitaanerannik naammassinninnissamut tunngavissanut allanut naapertuuttumik tunngavissaqalersitsissappat.

§ 9. §§ 5-8 malillugit tiguneqartunut tamanut atorpoq naammassisimassagaat atuakkatigut sulinikkullu ilisimasassanut piumasariqartut, Danmarkimi taamatut ilinniagaqarnissamut Søfartsstyrelsen aalajangerneqartut, tak. maskinmesterinngorniarunik ilinniartitsineq pillugu nalunaarut kingulleq nr. 599, 7. oktober 1988-imeersoq aamma maskinmesterinngornialernissaq sioqqullugu håndværkerisatut ilinniartitaaneq pillugu nalunaarut nr. 657, 17. oktober 1989-imeersoq.

§ 10. Ilesinnaatitaanermik killilersuineq pillugu pisortaqarfik erseqqinnerusunik maleruagassaliorsinnaavoq.

Kapitali 4.

Ilinniartitsineq il.il.

§ 11. Fagit ilinniartitsissutissat imarisassaat aaqqissuunneqassapput minnerpaamik naammassineqarsinnaangorlugit maskinmesterinngorniartunik ilinniartitsinerup ukiuani siullermi misilitsinnissamat piumasarineqartut, tak. maskinmesterinngorniartunik ilinniartitsineq pillugu inatsit imaluunniit inatsit taanna naapertorlugu maleruagassiat. Maleruagassiat kingulliit aalajangersarneqarput maskinmesterinngorniartunik ilinniartitsineq pillugu nalunaarummi nr. 599-imi 7. oktober 1988-imeersumi.

Imm. 2. Aamma ilinniartitsissutigineqassapput fagit sammisassallu inuiaqatigiinnut kalaallinut imaluunniit ilinniartunut pingaaruteqartut.

Imm. 3. Fagini sammisassanilu imm. 2-mi taaneqartuni aamma ilinniartitaaneq tamaat isigalugu siunertat imarisassallu brancheudvalgimit pisortaqarfimmillu aalajangersarneqassapput malittarisassat erseqqinnerusumik aalajangersarneqartut malillugit.

§ 12. Ilinniartitsinermi atorneqassapput lektionit katillugit 1890-it, fagini ukunani misiliinerit ilanngullugit: matematikki, fysikki/kemii, danskit oqaasii, tuluit oqaasii, peqqinnissamik ilinniartitsineq, umiartornermut inatsisit, datamatikki, maskiinalerineq, elektroteknikki, ingerlatitsineq, nillorsaasarneq, nalinginnaasumik aserfallatsaaliuineq, sulinermik siulersuineq kiisalu imaani annaassiniartarneq aamma ikuallattumik qatserineq.

Imm. 2. Fagini ataasiakkaani tiimit qassiunissaat fagillu semesterinut qanoq agguanneqarnissaat pisortaqarfiup Søfartsstyrelsen isumasioreerlugu brancheudvalgillu inassuteqarnera malillugu aalajangersassavai.

§ 13. Imaani annaassiniarnermut atortunik atuinermut tamakkualu qanoq ittarnerinut kiisalu ikuallattumik qatserivilluni kursusernerit pinngitsoorani ilinniartitsissutigineqassapput.

§ 14. Fagini ukunani matematikki, fysikki/kemii, danskit oqaasii, datamatikki, tuluit oqaasii, peqqinnissamik ilinniartitsineq, umiartornermut inatsisit, maskiinalerineq aamma elektroteknikki kiisalu imaani annaassiniartarnermik ikuallattumillu qatserisarnermik fagitigut siunertarineqartuni malinneqarput maskinmesterinngorniartunik ilinniartitsineq pillugu maleruagassiat Søfartsstyrelsemit aalajangersarneqartut.

§ 15. Ingerlatitsinermi atorneqartartunik ilinniartitsinerup siunertaraa ilinniartup ingerlatitsinermi atorneqartartunut pingasuusunut (pneumatik, relæ aamma PLC atorlugit ingerlatitsineranut) ilisimasaqalersinnissaa, taamaalilluni ilinniartumut pisinnaaleqqullugit:

- 1) ingerlatitsinermi atorneqartartunut taakkununga diagramminik atuarsinnaaneq taamaattunillu titartaasinnaaneq,
- 2) ingerlatsinermut atorneqartartunik nalunarpallaanngitsunik imminnut atassusiineq,
- 3) ingerlatitsinermi atorneqartartuni siuliini taaneqartuni pingasuni kukkunernik nassaarsinnaaneq aamma
- 4) iluarsaassigallarsinnaaneq (kingusinnerusukkut iluarsaalluarneqartussamik).

§ 16. Nillorsaasarnermik ilinniartitsinerupsiunertaraa ilinniartup makkununga ilisimasaqarnerulernissaa:

- 1) nillorsaasarnissaq siunertaralugu pigisariaqartunut,
- 2) nillartaartitsivimmi atortunut ataasiakkaanut tamakkualu sumut/sunut iluaqtaanerinut,
- 3) nillartaartitsivik ingerlanerliulersillugu iluarsisariaqartunik iluarsaassisinnaanermut,
- 4) nillartaartitsivimmik nakkutilliineranut aserf allatsaaliuinernullu, taamaalilluni unittoornissaa pinngitsoorsinnaaqqullugu atorluartuaannarsinnaaqqullugulu, aamma
- 5) nillartaartitsiviup titartagartaanik "atuarsinnaanermut".

§ 17. Nalinginnaasumik aserfallatsaaliuineramik ilinniartitsinerup siunertaraa ilinniartup makkununga pisinnaalersinnissaa:

1) teknikkikkut atortorisanik nalinginnaasumik aserfallatsaaliuinissamutpilersaarusionermut, taamaalilluni unittoornissaq pinaveersimatissinnaaqullugu, aamma

2) uuttortaanermut, nakkutilliinermutaserfallatsaaliuinernullu atugassanik skemaliornermut.

§ 18. Sulisunik siulersuineramik ilinniartitsinerup siunertaraa sulisunik ikittunnguanik siulersuinissami paasisimaqqaagassanik ilinniartup paasitinneqarnissaa.

§ 19. Ilinniartutilinniartitsinermut najuuttussaataapput.

Imm. 2. Pisorta qarfik najuuttussaataitanermut erseqqinnerusunik maleruagassaliorsinnaavoq.

§ 20. Ilinniartoq fagimik ilinniartitsissutigineqartussamik angusilluni siusinnerusukut misilitseersimappat brancheudvalgip fagimi tassani atuaqataannngitsissinnaavaa imaluunniit misilitseqataannngitsissinnaallugu.

§ 21. Ilinniartoq ilinniarfimmiiillugu ilinniartitsinermi qanoq pissarsiaqarsimanersoq ilinniarfiup akuttusinani misilittassavaa ilinniarneranilu siunnersorneqarnissaanik neqeroorfigissallugu.

Kapitali 5.

Misilitsiimerit soraarummeernerlu.

§ 22. Misilitsinnernutsoraarummeernernullupeqataaqqusineq tamakkualu ingerlanneqarneri pisassapput minnerpaamik naammassineqarsinnaanngorlugit maskinmesterinngorniartunik ilinniartitsinerup ukiuani siullermi misilitsinnissamut piumasarineqartut, tak. maskinmesterinngorniartunik ilinniartitsineq pillugu inatsit imaluunniit inatsit taanna naapertorlugu maleruagassiat. Maleruagassiat kingulliit aalajangersarneqarput maskinmesterinngorniartunik ilinniartitsineq pillugu nalunaarummi nr. 599-imi 7. oktober 1988-imeersumi, maskinmesterinngorniartunik soraarummeersitsisarneq pillugu nalunaarummi nr. 7-imi 5. januar 1989-imeersumi aammaukiumoortumik misililitsinnerit ukiumoortumillu misilitsinnerni karakterit pillugit nalunaarummi nr. 432-mi 19. juni 1989-imeersumi.

Imm. 2. Soraarummeernermi angusissaguni ilinniartup naammassiniartariaqassavai maskinmesterinngorniartunik ilinniartitsinerup ukiuani siullermi misilitsinnissamut piumasarineqartut, tak. maleruagassiat imm. 1-imi taaneqartut.

§ 23. Ilinniartitaanermi faginik sammisassanillu § 11, imm. 2 malillugu aalajangerneqartunik soraarummeernissamut inassuteqarneq soraarummeernerlu pissapput Kalaallit Nunaanni malittarisassat nalinginnaasut malillugit, tak. inuussutissarsiutitigut ilinniartitaanermi ilinniartunut tunngasut pillugit Namminersornerullutik Oqartussat nalunaarutaat nr. 51, 20. december 1990-imeersoq.

§ 24. Fagini §§ 22-mi 23-milu taaneqartuni lektionit qassiussusissaat, misiliinissanut piffissat soraarummeernernilu piumasarisassat pisorta qarfiup Søjfartsstyrelsen siunersioreerlugu brancheudvalgillu inassuteqarnera malillugu aalajangersassavai.

§ 25. Ilinniarsimanermut uppenarsaammi allanneqassaaq ilinniartup imaani annaassiniarnermut atortunik atuinermut tamakkualu atorlugit qanoq ittarnerinut kiisalu ikuallattumik qatserivinnermut kursusersimamera.

Imm. 2. Ilinniarsimanermut uppenarsaammi allanneqassaaq ilinniartitaanermut nalaani danskit oqaasiinik, datamatikkimik sulisunillu siulersuineramik ilinniartinneqarsimaneq.

§ 26. Naggataarutaasumik soraarummeernermi allattarissanik misilitsinnerit kursusernernilu suliat fagimi ilinniartitsisumit censorimillu nalilerneqassapput.

Imm. 2. Naliliinermi isumaqatigiinngitsoqartillugu naliliussat marluk agguaqatigiissinnerat kisitsimmut qummut tullermut iluarsillugu atorneqassaaq.

§ 27. Ilinniartoq semesterimi misilitsinnermi imaluunniit naggataarutaasumik soraarununeermermi angusinnikkuni ilinniaqqissaaq.

Imm. 2. Immikkut ittumik pisoqartillugu pisorta qarfiup akuersissutigisinnaavaa siumut aalajangeriikkamik soraarummeernerup kingornagut qaammatit pingasut qaangiutsinnagit napparsimasunut naatsorsuussamik soraarummeertoqarnissaa.

Imm. 3. Napparsimasunut naatsorsuussamik soraarummeernermi peqataassagaanni tamatigut uppernarsaatissaqartinneqassaaq siumut aalajangeriikkamik soraarummeernermi pissuteqartumik peqataasinnaasimannginneq.

Imm. 4. Ilinniartoq siumut aalajangeriikkamik soraarummeernermi peqataasimasooq napparsimasunut naatsorsuussamik soraarummeernermi peqataasinnaangilaq.

Kapitali 6.

Praktikkerfmmiineq.

§ 28. § 4 aamma § 5, imm. 1 nr. 4 malillugu praktikkerneq imaani suliffimmi Søfartsstyrelsemit akuerineqarsimasumi imaluunniit nunami suliffimmi brancheudvalgimit akuerineqarsimasumi ingerlanneqassaaq.

Imm. 2. Pisorta qarfiup aalajangissavaa praktikkerneq naammaginaratumik naammassineqarsimanersoq.

Imm. 3. Praktikkerfissaq tamakkerlugu tamatumaluunniit ilaani praktikkinnitsoornissaq ilinniarfiup inassuteqarnera malillugu pisorta qarfiup akuerisinnaavaa Søfartsstyrelsenimit tamatumunnga patsisissaatitat eqqortinneqarsimappata.

Imm. 4. Taamatut praktikkinnitsoortitsisoqarsinnaavoq isumaqartoqarpat pisinnaaf f igiligassat pisariaqartut ilinniartup allakkut pisinnaalersimagai.

Kapitali 7.

Attesti ilinniarsimanermullu uppernarsaat.

§ 29. Ukiup aappaa-qeqqani ilinniarfimmeereerluni ilinniartoq soraarummeernermi angusinermi kingorna atuagarsorluni ilinniarnermik naammassinissimanermut attestimik tunineqassaaq.

Imm. 2. Piffissaq praktikkerfusoq naammassineqareerpat akuerineqareerpallu ilinniartoq umiarsuarimi maskinistissatut ilinniarsimanermut uppernarsaammik tunineqassaaq.

Imm. 3. Imm. 1 malillugu attestimik aamma imm. 2 malillugu ilinniarsimanermut uppernarsaat suliarineqassapput ilinniarfimmit.

Kapitali 8.

Aalajangersakkat assigiinngitsut.

§ 30. Saviminilerinermut tunngasunut brancheudvalgi maskinistinngorniarluni ilinniarnermut brancheudvalgitut atussaaq.

§ 31. Nalunaarut una malillugu pissutsit ilinniarnermut tunngasut pillugit ilinniarfiup aalajangiinerinut naammagittaalliutit brancheudvalgimut suliaassanngortinneqarsinnaapput ullormit aalajangiinerup aalajangiiffigineqartumut nalunaarutigineqarneranit sap. ak. sisamat qaangiutsinnagit. Taamaattorli taamatut naammagittaalliorsinnaatitaaneq atorneqartassanngilaq alla aqqutigalugu

naammagittaalliorsinnaaneq pillugu Søfartsstyrelse maleruagassaliorsimappat.

Imm. 2. Nalunaarut una malillugu pissutsit ilinniarnermut tunngasuunngitsut pillugit ilinniartuup aalajangiinerinut naammagittaalliuutit pisortaqarfimmut suliassanngortinneqarsinnaapput ullormit aalajangiinerup aalajangiiffigineqartumutnalunaarutigineqarneranitsap. ak. sisamat qaangiutsinnagit.

§ 32. Pisortaqarfiup brancheudvalgip inassuteqarnera malillugu nalunaarummi uani aalajangersarneqartut sanioqqunneqarallarnissaat akuersissutigisinnaavaa tamanna ineriartortitsiniarluni sulinerup ilaatut isigalugu.

Imm. 2. Imm. 1 malillugu sanioqqutitsisarnissat Søfartsstyrelsep maleruagassiaanit allaassuteqartassappata taamatut allaassuteqartitsineq taamaallaat pisassaaq styrelsip siunersiorneqareerneratigut.

§ 33. Nalunaarut una atulerpoq 1. december 1991, atortuussalluni ilinniartunut ullup taassuma kingorna ilinniarnerminnik aallartitsisunut.

Imm. 2. Pisortaqarfik Søfartsstyrelsen siunersorqatigeriarlugu ilinniartunut atortuulernera sioqqullugu umiarsuarmi maskinistitut ilinniarnerminnik aallartitsisunut malittarisassanik ikaarsaariarnermi atugassanik aalajangersagaliorsinnaavoq.

Namminersornerullutik Oqartussat, 16. oktober 1991.

Marianne Jensen

/

Aqigssiaq Møller

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

